

DE IVDICIIS

VRINARVM TRACTATVS,

ex probatis collectus autoribus, & in ta-

bulae formam confectus, adiectis etiã

causis quæ hanc vel illam

urinam reddant:

Ioanne Vasseo Meldensi autore.

PARISIIS

Ex officina Michaelis Delaguierche, in

via quæ est ad D. Iacobum, sub effra-

cto vase. 1545.

CVM PRIVILEGIO.

LE PRIVILEGE.

*Il est permis a Michel Delaguierche marchand libraire en l'Vniuersité de Paris, imprimer ou faire imprimer vn petit li-
urett appellé, De iudicijs vrinarum tracta-
tus &c. Ioanne Vasseo Meldensi autore.
Auec deffenses a tous aultres nō aduou-
és par ledict Delaguierche, ne l'impri-
mer, faire imprimer ou vendre ailleurs
imprimé de deux ans, sur peine de cōfiscation
desdictz liures & d'amēde arbitrai-
re. Faict ce 19. de Feburier 1544.*

Ainsi signé, I. Segurier.

De Iudiciis

VRINARVM TRACTA-
tus, ex probatis collectus autoribus,
& in tabulæ formam
confectus.



Vm tres genere facul-
tates in tribus existant
principiis, cerebro, cor-
de, & hepate: ex singu-
lorum functionibus, tū
imbecillitas tum robur
dignoscuntur. Cerebri quidem, memoria
& ratiocinatione, & subseruientibus a-
liis arbitrariis functionibus. Cordis, per
arteriarum motus. Hepatis verò facultas
cuiusnā roboris vel imbecillitatis fuerit:
hæc quidem quæ in ventre est, per ea
quæ subeunt & subducuntur, agnosci-
tur:
A. ij

tur: Illa verò quæ in hepate & venis est, per vrinas: sunt siquidē in huiusmodi vrinis signa euidentissima, alia siquidem exquisitæ concoctionis, alia diminutæ, alia verò prorsus abolitæ, veluti & in ventre contingit. Præterea & vt in ventre externa quædam pariter excernantur, quæ affectiones alias ostendant: ita & ex vrinis affectus non contemnendi ostenduntur, quanquàm non omnes, neq; enim morborum musculos infestantium secuta est per vrinas significatio, imo parua. sicuti neque voluuli, neque adfectuum thoracis & pulmonum. sunt tamen & in huiusmodi affectibus inspiciendæ. nã si bonæ sint, multum valent ad salutem: contrà si prauæ, amplificant simul ægri periculum, vt ex tertij epidemiorum commentariis constat. Est autem vrina serum humorum in venis contentorum, ex eisdem commentariis.

Collectio.

Colligatur absoluta concoctione.

*Non seruetur vltra sex horas, vel vnā te-
ste Auicenna.*

Tota recipiatur & non pars.

*Non pronuncietur de ea nisi in matella
resederit.*

Primum & quartum dicta sunt propter cōtenta
quæ superflua quædam sunt tertiæ coctionis, de
quibus iudicium fieri oporteat. Secundum, quo-
niam tunc significatio minùs efficax, color muta-
tur, & hypostasis dissoluitur, mutatur aut densior
redditur. Tertium, vt perfecta fiat cognitio.

Iudicia quæ impediunt.

Motatio vehemens,

Locus obscurus,

Locus nimis lucidus,

*Matula viridis, infernè lata vel arcta ni-
mis,*

Radii solares,

Frigus,

Ventus,

Cibus,
Potio,
Medicamentum,
Exercitatio,
Ieiunium,
Vigilia,
Labor,
Ira,
Timor,
Coitus,
Vomitus,
Evacuatio.

Primum dictum est, ne multa in eis transponantur: bullæ enim rumpuntur & transportantur, cōtenta ex propriis abscedunt locis. Secundum, quoniam loci umbratiles, non parum de coloribus tollunt. Tertium, & quintum, quoniam lutescentia multa colores redduntur remissiores.

Quartum, quoniā si viridis, & coloribus aliquid aufert, & vrinarū substantiam minuit. quinetiā in talibus contenta non exactè representantur. si infernè lata vel arcta nimis, quæ locū cōtenta obtinere debeant, non dignoscetur. Sextū & septimū, ne vento perturbetur, & frigore congele-

tur

tur donec separatio fiat. Octauū, nepe cibi corpori oblatis si nō rectē transmutātur, aut nō probē in sanguinē mutantur, similem sibi vrinā efficiunt: cuiusmodi sunt olera. Nonum patet, nam si aquam aut vinum album abundē hauserimus, alba & aquosa apparebit vrina: sin crassum & nigrum, crassior nigriorq; vrina erit, quemadmodū flaua, vbi vinum vetus flauumq; biberimus. Decimum constat ex rheo barbaro adsumpto. Nam mox in vrina eius apparet color: item ex cassia fistulosa. Vndecimum, duodecimum, decimūtertium, decimumquartum, decimūquintum, & decimumsextum constant, quoniam hęc omnia vrinas tingant. Decimūseptimū item, quod coitus vrinā pinguiorē reddat. Vomitus itē & euacuatio colores vrinarū mutant & substantias.

Vrinæ diiudicantur,

Substantia,

Quantitate,

Perspicuitate,

Colore,

Odore,

Meiendi modo,

Contentis.

Substantia triplex,

A iij

Te-

Tenuis,

Crassa,

Mediocris.

Quantitas triplex,

Multa,

Pauca,

Mediocris.

Perspicuitas triplex,

Translucida,

Turbulenta,

Mediocris.

Color multiplex,

Albus { *Intense,*

Remisse.

Intense.

Cristallens,

Aqueus.

Remisse.

Lacteus,

Glaucus,

Charopus,

Sub-

Subspiceus,

Spiceus,

Subaureus,

Aureus,

Subcroceus,

Croceus,

Rufus. i. rutilus, igneus vel flammeus,

Subrubens,

Rubens,

Prærubens,

Vineus,

Passeus,

Viridis,

Venetus,

Liuidus,

Niger.

Meiendi modus multiplex,

Difficilis,

Facilis,

Mediocris,

Voluntarius,

Inno-

Inuoluntarius,

Cum dolore,

Absq; dolore.

Contenta,

Hypostasis,

Enæorema,

Nubes,

Bulla,

Frustula,

Ramenta,

Circulus,

Spuma,

Pinguedo;

Pus,

Arena,

Calculi;

Phlegmata,

Thrombi sanguinis,

Pili,

Squama,

Genitura.

Nomi.

NOMINVM COLORVM EXPLICATIO,

Albus cristalleus, cristallo similis.

Albus aqueus, aque similis.

Albus lacteus, lacti similis.

Albus glaucus, veluti cornu pellucidum.

Albus charopus, pilis subalbidis cameli similis vel vngui lapillo. Charopus tamen apud Galenum oculis Leonis similis dicitur.

Subspiceus fit, si parum spicei humoris succo claro vt aqua est inieceris.

Spiceus, si plus addideris.

Subaureus, qui non puro auro similis.

Aureus, qui puro auro.

Subcroceus, qui aquam representat, in qua dissolutus fit flos cartami.

Croceus, in qua flos croci.

Rufus, cum flaua bilis exuberans vel syncera vrinae mixta fit.

Subrubens, bolo armeno similis.

Rubens & puniceus, pomis quæ rubrum colorem præ se ferunt, vt sunt cerasia.

Vineus qui vino nigro similis est, aut hepatis colori.

Passus vino cocto similis.

Venetus, seu fuscus, qui ex puro albo & nigro æqualiter confusis gignitur, qui modo brunus, modo blauus vulgo dicitur.

Liuidus plumbeus est,

Niger notus.

Viridis via est ad nigrum.

Vrina optima aliarum omnium regula et amussis, quæ in viris temperatis, & ætate florentibus reperitur.

*Colore subaurea vel subcrocea,
Substantia inter tenuem vt aqua, & crassam vt subiugaliū,
Proportionē potui respondens,
Matulæ non adhærens.*

Cum Hypostasi,

Alba,

Læui,

Æquali,

Sine pilis, bullis, tuberculis, & aliis malignis contentis.

Vrina omnis quouis modo ab hac declinet, ab optima cadit sanitate.

Primū constat, Nam vbi mediocris atq; vt de-
cet, concoctio fit, tum crocea atq; aurea bilis ge-
neratur, & vrinę apparent subcrocæ atque sub-
aureæ, colore bilis remisso, ob mitionem seræ
humiditatis cuius color albus est, Secundū, Nē-

pe si concoctio exacta fuerit, substantia apparet mediocris. Fitq;, cum genuina caliditas dominando cibo & potui comefis, atq; humoribus internis, suapte natura concoctiones vt decet efficit.

Tertium dicitur, Nam alterationē aliquam factā esse in his quæ intrinsecus sunt significat vrina maior, aut minor, siue multum excesserit, siue multum recesserit. Quartum, Nam ita humor lentus & glutinosus esset. Quintum ostēdit puris generatio, quod puri proportionalē habeat hypostasis ex Galeni commentario circa finem primi prognosticorum. Sextum ostēdetur ex his quæ cum hypostasi apparent.

Vrinæ ætatum & sexuum quales?

Senum,

Albæ,

Tenuēs,

Hypostasi pauca, & ad cruditatem declinante.

Primi & secundi causa est, quod senum ætas quantum procedat, tātum erga frigidum declinet, genuina marcescat caliditas, coctio diminuat, & ab eminētia frigiditatis obscuretur.

Tertiū efficit nutritio diminuta propter imminutam senum potentiam,

Puerorum,

A subaureis & subcroceis parum recedentes

dentes,

Substantia iuuenum vrinas parum excellente,

Cumulata hypostasi.

Primū contingit, quòd puerorū calor naturalis multus sit, multa quoq; naturalis humiditas: hinc colores remissiores multa humiditate madefcentes. Secundum, quòd puerorū caliditas, iuuenū caliditatē potiùs quantitate superans circa substantiam humorum producendam excelluit. Tertiū efficiunt multa humorū elaboratio, multus esus, & nutritionis actio quæ necessitati requirentium membrorum satisfaciāt. Nam calorī est opus materia tum ad nutriendum tum ad membrorū incrementum.

*Mulierum etiam temperatarum
& etate florentium,*

A subaureis & subcroceis non multū recedentes album versūs,

Substantia tenues,

Pluribus quam virorum contentis.

Primi & secundi ratio est, quòd genus muliebre domesticū sit, paucis exercitiis vtēs, atq; remissū habens naturalē caliditatē, virili generi cōparatū: & ob id debiles efficiat cōcoctiones, & à perfecta
rece-

recedentes. Tertium fit ob naturalis humiditatis excessum, & superfluitatum abundantiam, quæ oriuntur à debili concoctione.

Vrinæ eorum qui se plus iusto exercent.

*Ad aureū croceūq; tendentes,
Contentis paucis, tenuibus, & interdum
cum innatante liquamine.*

Primum fit, quòd calore ob motum exaucto, bilis humor ab intensa comburatur caliditate. 2. ob feream humiditatē diminutā. Et quoniā mēbra attenuantur caliditatis excessu & disperdūtur vaporificata sudoribus vel aliis occultis spirationibus, decēs est vt et exauctis exercitiis aliqua ī vrinis appareāt innatātia colliquamina, aliquo pīguī colliquefacto vel à renibus, vel à partibus aliis.

*Vrinæ ociosam & inertem
vitam viuentium.*

*Ad album vergentes,
Contentis multis & crudioribus.*

Primū accidit ob paucitatē calidi motionē habētis, marcescentisq; motionis vacationē. id quòd ostēdunt ligna in rogis congesta abundē, nō ventilata. 2. accidit quòd caliditate non mota tabescente frustretur adeptio perfectę cōcoctionis.

Iudicium

Iudicium vrinarum secundum anni tempora.

Vere ineunte,

Albæ & subspiceæ,

Quantitate maiores,

Contentis pluribus, crassioribus, & crudioribus.

Albæ & subspiceæ, q̃ victa ob frigoris adhuc dominantis ambitū caliditate defectus coctionis accidunt tam in colore quam substantia. Quātitate autem maiores, humiditate scilicet humorum in corpore per totam hyemem collecta. Cōtentis vero pluribus, ob plures comesorum multorū superfluitates. Crassioribus itē & crudioribus ob easdem causas.

Cū procedit,

A subspiceis & spiceis ad subaureas & subcroceas,

Substantia æquales,

Contentis mediocribus.

Nempe temperata existente qualitate omnia ad mediocritatem reducuntur.

Æstate, cum incipit,

Subau-

*Subaureæ & subcroceæ,
Substantia tenuiores,
Hypostasi quàm mediocris*

*Alba,
Tenuiore: sed { Læui, et
 Aequali.*

Subaureæ & subcroceæ, quòd calore liberè in toto corpore diffusò, atque præsentì materiæ dominantè, concoctione quæ facta ut decet, urinae fiant mediocres. Sed substantia & contentis tenuioribus, quòd principales partes tenuètur atq; disperdantur aëris caliditate.

*Cum viget,
Aureæ & croceæ,
Substantia tenuiores,
Minores quantitate,
Contentis paucis & tenuibus, & quodā
modo albis.*

Aureæ & croceæ, ob adauctam ex aëre æstuantem bilem.

Substantia tenuiores ob concoctiones secundū naturam diminutas, calore naturali à calore nos ambiente dispendio.

Minores quantitate, partim dissoluta in sudores

res materia , partim disperdita per occultas eva-
porationes. Cōtētis paucis & tenuibus & quo-
dā modo albis,quòd disperdatur,& tenuetur ma-
teria,atq; coctiones debiliores fiant.

*Autumno,cūm accessit,
Ad mediocritatem concedentes,
Tenuēs & pellucidæ,
Paucæ,*

Contentis paucis sed { *Albis,
Læuibus,
& æqualibus.*

Ad mediocritatem concedentes, calore scilicet
vehemēter diminuto. Tenuēs, pellucidæ, & pau-
cæ tum vrinæ tum hypostases, ob præstātem sic-
citatem.

*Cūm procedit,
Mediocria omnia.*

Quòd coctiones mēliores fiant, caliditate ge-
nuina ob frigidos ventos vires resumēte, & tem-
peramento coctionibus adlato omnibus.

*Hyeme, cūm incipit,
Ad album vergentes,
Substantia tenuēs,*

Con-

*Contentis pluribus, & fortasse medio-
cribus.*

Ad album vergentes & tenues, alterata scilicet quodam modo ob aërem frigidiorē interna caliditate, atque increſcente pituitico humore. Contentis verò pluribus, ob ſumptiones ciborum ampliores & coctiones validiores, calore ſcilicet roborato, iuuantibusq; ſomnis longioribus.

Cum procedit,

Albæ,

Quantitate maiores,

Subſtantijs differentes,

Contentis pluribus & crudioribus.

Albæ quidem, quod genuina caliditas à frigore aëris exauſto læſa ſit, bileuſq; humor prorſus tabeſcāt. Subſtantijs differentes, nam modo tenues propter imperfectam concoctionem ob frigiditatis aëris præſtantiam: modo craſſæ & conturbatæ ob crudum qui hoc tempore viget humorem. Contentis pluribus & crudioribus, quod genuina caliditas domare non poſſit comēſa multa, vel quod multa elaborata ſint, multa apparent: cruda quoque & craſſiora aut frigiditate genuinam caliditatē tabefaciente, aut quod plura ſumpta ſint quàm natura perficere poſſit.

Vrinarum iudicia ex simplicibus intemperaturis.

Caliditas si exaucta,

Auræ & crocæ,

Substantia mediocritatem excedente, cum splendore quodam,

Contentis mediocribus sed naturalem albedinem diffugientibus.

Auræ & crocæ, ob bilem acutiorem effectā, humiditatemq; ablata. Substantia mediocritatem excedente, quod substantia à mediocribus discedant: cum quodam splendore, quod exaucto acumine quod humiditatem asperantem consumit, splendor conspicietur. Naturalem albedinem diffugientibus, quod tinctura quædam ab excessu bilis distributa coloret contenta ipsa.

Frigiditas quantum intenditur,

Tantundem albescunt vrinæ,

Substantia crassiore,

Contentis minoribus & crudaceis, & interdum crassescunt vniuersæ & conturbantur.

Quod tantundem albescant vrinæ, quantum

intendatur frigiditas, facit quòd humor croceus proprium colorem nactus non sit, capiens spiceum vel subspiceum secundum mēsuram imperfectæ concoctionis. Substantia crassiore, quòd non facile à genuina caliditate domita & cōcocta sit.

Contentis minoribus, quòd diminuto calore etiam nutritio minor sit: crudis, ob caloris imbecillitatem. Conturbantur quoque interdum & crassescunt, cruditate ob imbecillitatem virtutis alterantis vincente. Nempe calore præstante quæ tenuia sunt crassescunt concocta: quæ vero alia ratione crassa erant, hæc tenuantur. Tenuēs autem potius per intēperaturam fiunt: crassæ vero per humorum cruditatem.

Humiditas si vincat,

Ad album vergentes,

Quantitate maiores,

Subtenuēs,

Contentis multis & crudis.

Ad album vergunt vrinæ, & quantitate maiores fiunt, quòd humiditas excedens vt obtundat vrinæ naturalem colorem, ita & quantitatem augeat. Subtenuēs, quæ mediocritatem substantiæ effugiant. Contentis multis, ob multam elaborationem, quòd humidum facile nutriat: crudis, quòd humido existente multo imperfecta sit

elaboratio.

*Siccitas si vincat,
Co'ore mediocres cum splendore,
Mediocres substantia,
Quantitate minores,
Contentis paucis atq; exactè coctis.*

Colore mediocres, præsertim si colorans humor nihil adfectus sit: cum splendore, ob vigorem colorantis humoris. Mediocres substantia, præsertim si nō intēdantur: intēdūtur enim aliquādo.

Quantitate minores, ob humiditatis paucitatem. Contentis paucis, cū pauca processerit in nutriendo humiditas. Exactè coctis, quod facile à caliditate sunt domita.

*Vrinæ secundum regiones &
cibos, proportionē bis
respondent.*

*Somnolētorum seu qui dormiuerūt
non secundum naturam, id est, non
ob suauem humiditatem & medio-
crem natiuam caliditatē: sed ob hu-
miditatem multam præsertim pitui-
team, atque ob comesa & medica-*

mina

mina frigida,

Ad album vergentes,

Substantia crassæ aut subtenues,

Contentis pluribus & incoctis.

Tria hæc ex concoctionis contingunt defectu.

*Eorum qui secundum naturam
dormiuerunt,*

Spiceæ,

Substantia mediocri,

Contentis maioribus & bene coctis.

Trium horum rationes ex antecedentibus maximè patent.

*Eorum qui immoderatè vigilarunt
ob causam aliquam,*

Tenues,

Versicolores,

Contentis extraneis magis.

Tenues & aliquando albissimæ profluunt aut ob bilis regressum ad cerebrum; aut ob insaniam speciem. Versicolores, nempe interdum albæ, interdum crocæ & aureæ, ac oleaceæ & nigræ, secundum causæ mutantis proprietatē. Contentis extraneis magis, nempe inæqualibus & maximè cō-

fufis coctione non tam facile procedente, si aut aliqua intemperatura excefferit, aut vsquequaque homo vigilauerit.

*Multum comedentium & non-co-
quentium,*

Tenues,

Albae,

Et interdum absq; sedimento.

Hæc errorem à perfecta concoctione contigisse ostendunt.

*Procrastinantium in cru-
ditate,*

Substantia & contentis extraneæ.

Ieiunantium,

Flammæ & crocæ,

Tenues,

Hypostasi minore.

Flammæ & crocæ ob calorem acutiorem deuorata humiditate redditum. Tenues ob illam calidi affectionem. Hypostasi minore, quòd desint homini alimenta.

Fame oppressorum,

Tenues,

Albae,

Albæ,
Sine hypostasi.

Hæc fiunt concedente ad frigidum habitu ob
caloris tabem.

*Vrinarum iudicia ex earum sub-
stantia.*

Tenuis & subtilis,
Lapsum caliditatis genuinæ,
Venarum, hepatis, renum, & vasorū vri-
nariarum oppilationem.

Naturæ debilitatem,
Canalium vrinæ læsam attractricem,
Frigiditatem vehementem cum siccitate,
Lapsum caliditatis genuinæ, aut supera-
tæ ab aliqua potēte frigidityte, aut quòd
extranea caliditas aliqua occasione præ-
cedens eam occupauerit, ita vt ab actione
propria prohibeatur. id quod patet in his
quæ elixantur sub Sole vehemēter radi-
ante, & loco maximè frigido.

Venarum, hepatis &c. Nempe cū vel circa
renes atque reliqua vasa vrinaria, vel circa parti-
culas

culas aliquas quæ coërcere possunt vt urinæ mediocres exeant , oppilatio aliqua non parua gignitur ab aliqua affectione, tum vrina per angustias veluti per defecatorium emuncta perquâ tenuis exit , vt patet ex his qui vinum limosum & crassum colantes, pellucidissimum efficiant. Naturæ debilitatem, atque eò potius quò cum caloribus prauioribus spectetur. Canaliculorum urinæ læsam attractricem, qui scilicet non attrahunt nisi quod tenue est: aut si attrahunt, non nisi quod tenue est eiiciunt. Frigiditatem vehementem cum siccitate , nempe ab vtraq; intemperatura tales vrinas fieri est ostensum.

In acutis morbis,

Concoëctricis debilitatem,

Morbi, & succorū in venis cruditatem.

Si diutiùs perseueret,

Mortem, si natura non sufficiat: abscessum in partibus inferis, si virtus valeat.

In crisi,

Recidiuā minatur, ut in Hermocrate tertio epidemiorum.

Coëctricis debilitatem, siue à nuda intemperatura fuerit, siue ob humorū excessum: neque scilicet natura munia sua obire, atq; ob id vrina
nequa-

nequaquam elaborata. Inde & morbi & succorū
in venis cruditatem, nondum incumbente natu-
ra ad ipsorum concoctionem. Mortem, si natu-
ra non sufficiat: & abscessum in partibus inferis,
si virtus valeat. Nempe teste Galeno super pro-
gnosticum illud: Quò tenues & crudas diutiùs
mingunt vrinas, si diutiùs vrinæ incoctæ perseue-
rent, definire opus, ànne æger longitudini mor-
bi haudquaquam sufficiet: an per abscessum iudi-
cabitur, sed definitio ex aliis fiet signis. Nempe
lethalia mortem indicant, equa autem & bona sa-
lutem. Recidivam minatur in crisi, quòd vrinæ
tenues morbum esse crudum indicent.

Crassa,

Pugnam naturæ cum humore,

Abundantiam humoris,

*Superficie corporis spissationem ob fri-
gus.*

Si tenuis præcesserit,

Coctionis principium.

*Vnà cum accessu febris talis vi-
sa, neq; quæ in processu crassescere
desinat, aut si desierit, nō tenuetur,
Virtutis infirmitatem et multitudinē hu-
morum*

morum non paruam.

Pugnam naturæ cum humore: Naturæ scilicet veluti intentæ vt materię dominetur: atque iam iam fortè dominantis, nisi vehementer crassæ apparuerint. hinc & abundantiā humoris. Superficie corporis spissationem ob frigus, nēpe quòd ob frigus transpiratio prohibita sit, crassiores apparent vrinæ. Coctionis principium, si tenuis præcesserit. Nam si vrinæ apparuerint tenues & non ob aliquam nudam intemperaturam, nunquam ad mediocritatem mutabuntur, nisi priùs ingenita fuerit crassitudo. Virtutis infirmitatē, & multitudinem humorum non paruam, cum scilicet vehementer crassæ fuerint, subacta scilicet à tanta materia natura.

Crassa bifariam est,

Pellucida, Turbida.

Crassa pellucida,

Pituitæ vitreæ resolutionem, vt in epilepticorum ex pituita vrinis apparet.

Citrina si fuerit,

Cholen vitellinam.

Horum rationes maximè inquisitoribus non inexpertis constant. Nam crassæ vrinæ semper fuisse signa humorum quorumcunque aliquo pacto imple-

implentium ventrem & intestina, atque hepatis
cauas partes,

Turbida crassa.

Crudam cum flatuoso spiritu multo tur-
bationem,

Copiam humorum qui natura expel-
luntur,

Naturæ laborem in segregando & ex-
pellendo.

Sed tribus consideratur modis.

Nam vel,

Turbida micta paulò post residet,
vel

Semper similis manet,
vel,

Pura mingitur, & postea conturbatur.

Prima,

Parum aliquid turbulentiae inæqualis su-
peresse ostendit.

Secunda,

Vigere adhuc eam quæ in sanguine est a-
gita-

gitationem, & crudorum humorum crassitatem ultra fluctuosam turbationem.

Tertia;

Iam crudi succi coctionem aggredi naturam.

Turbidarum omnium generalis nota.

Crassi à liquidiore separatio, aut prope-
rè, aut tardè facta, aut prorsus nulla.

Nulla dictum est,

Nam vehemèter crassa à materiæ copia subactam naturam succubuisse ut ante dictum est. hæc de turbidis urinis dicta sunt ex Galeni quarto de sanitatè tuenda.

Vrina mediocris non pellucida ut aqua, neque turbida ut subiugaliū,

Sanitatem.

Iudicium ex urinarum
quantitate.

Multa in sanis,

Vini aq̃ui exuberantem potionem,

Cibo.

*Ciborum humidiorum vsum,
Ventris excretionem paucam,
Diureticorum vsum nimium,
Ciborum crudorum concoctionem.*

Vini aquei exuberantem potionem & ciborum humidiorum vsum, quòd cibi boni & humidiores maximè omnium & nutriunt & defluunt: vinum verò potiùs quàm cætera nutrit, atque citiùs disperditur. Diureticorum nimium vsum, quòd sua caliditate moueant vrinæ multitudinē: subtilitate verò cruditatem humorum diuidant, atque pharmacorum proprietate efficiant, vt per vrinam potiùs seducantur. Ciborum crudorum concoctionem, quòd concoctæ materiæ superfluitates humidæ seducantur.

In ægris,

*Diabetem. i. vrinæ transitum,
Superfluitatum excretionem,
Corporis colliquationem,
Terminationem ægritudinis,
Ventris siccitatem.*

Diabetem quidem, intemperatura scilicet exauctæ caliditatis circa renes id efficiēte. Superfluitatum excretionem, & terminationem ægritudinis,

tudinis, atque corporis colliquationem: dissolutis scilicet humoribus & ad vrinas exitum festinantibus. Ventrīs siccitatem, humoribus aliō transfluentibus.

*In acutis febribus,
Febris solutionem,
Conuersionem in hecticam,
Conuulsionem.*

Febris solutionem, nempe vt notū raro per vētrem vniuersum corpus repurgatur: & item quoque per renes & vesicam vt ex statu secundo primi libri de morbis vulgaribus. Conuersionem in hecticam, dissolutis scilicet corporis humiditatibus & per vrinas delatis, si non subsequuta fuerit alleuatio. Conuulsionem, ex inflammatione scilicet ab ea dissolutis humiditatibus.

*Vrina pauca,
Dietam sicciolem,
Ciborum tenacium & crassiorum vsum,
Oppilationes,
Ventrīs euacuationem multam,
Febris vehementiam,
Læsionem vasorum vrinalium.*

Diētā ficiōrem, id est, cibos ficiōres, paucitatem potus, exercitiū vehemens, & cætera quę deficcare consueuerunt. Ciborum tenacium & crassiorum vsum, quod meatus claudant, & exinde oppilationem pariāt. Ventrīs euacuationem multā, nam cū natura totā superfluitatem per consuetos meatus vacuare soleat, si fortē alter alterum vacuatione superauerit, per alterum minor quantitas vacuabitur. Febris vehementiā, atque ob id tostum humorem, ex epidemiis: consumpta scilicet à calore corporis humiditate. Læsionem vasorum vrinalium, ob scilicet imbecillitatem virtutis excretiæ vel renum vel aliorum vrinæ instrumentorum.

*Iudicia ex vrinarum
coloribus.*

*Alba cristalleæ &
aquosa,*

*Cruditatem à frigiditate,
Coëtricis facultatis imbecillitatem,
Meatuum vrinæ fortem oppilationem,
Tingentis humoris auersionem,
Potus magnitudinem.*

Cruditatem à frigiditate, vel ingenita vel mōrbosa. Coëtricis facultatis imbecillitatem, na-

tura scilicet ob imbecillitatem sese erigere ad co-
ctionem nequeunte. Meatum urine fortē op-
pilationem, nonnunquā & hepatis: sed à loci
dolore discernitur. Tingentis humoris auersio-
nem, ut in febre ardente quæ ob bilis copiam fit:
cuius colore si urina non tingitur, constat bilem
in vasis non permanere: sed ad cerebrum ob leui-
tatem ascendere, quod si in his phrenitis nō ad-
fit, scito iam proximè futuram. id etiam patet
in dysenteriis & aliis abscessibus. Potus ma-
gnitudinem, in sanis maximè, & præsertim vini
exilis.

*Glauca & charopa,
Virtutis concoctricis debilitatem.*

*In febrium initiis & incrementis,
Labores.*

*In febrium declinatione,
Salutem.*

*Alba muccosa,
Phlegmatis humorisque crudi abundan-
tiam.*

*Alba pinguis,
Pinguitudinis colliquationem.*

Alba lacti acetoso similis,

Phlegma-

Phlegmatis liquefactionem præsentē vel futuram.

*In acutis,
Mortem aut phthysim.*

*Alba vt fungus, si cum sanie,
Vlcus in vrinæ excrementis.*

*Si absq; sanie,
Materiæ crudæ multæ separationem,
Lapidem item vesicæ,*

*Genituræ similis. i. alba & crassa,
Phlegmatis vitrei vacuationem.*

Hippocrates sexto epidemiorum de ea agit.

*Alba in iëtero perseverante,
Hydropem.*

Virtutis concoctricis debilitatem, natura humores alterare & coquere nequeunte. Labores, ob scilicet multitudinis materiæ putrefactæ augmentum. Salutem, nempe febris declinationem, præfertim cum præcedentes vrinæ fuerint magis auræ. cætera ex Auicenna sunt petenda.

*Subspicea & spicea,
Minorem incoctionem quàm albæ,
Febris solutionem.*

Minorem incoctionem quàm albæ, quasi natura coctioni indulgeat. Febris solutionem, si ardentiores præcesserint febres: nempe corporis habitus ad frigidiorē concedit qualitatem.

Subaurea & subcrocea, vcl sufflata & subruffa,

In iuuenibus,

Perfectam concoctionem, & corporis totius certam sanitatem.

In senibus & mulieribus,

Habitudinem ad qualitatem acutiorem versam.

Perfectam concoctionem; nempe ubi mediocris concoctio fit, crocea tum atque aurea bilis generatur: & vrinæ apparent subcroceæ atq; subaureæ, colore bilis remisso ob mixturem seræ humiditatis cuius color est albus. Habitudinem ad qualitatem acutiorem versam, nempe senibus & mulieribus ob ingentiam quandam frigidam temperaturam vrinæ sunt subspiceæ: versionem hanc fieri constat propter assiduas rerum acutarum usus, aut exercitationes immodicas.

Aurea & crocea,

Caliditatis intensiorem quandam.

Aurea,

Aurea,

*Potiùs per materiæ quantitatem, quàm
per materiæ defectum.*

Crocea,

Contrario modo.

Caliditatis intensiorem quandam, in iuuenibus
ob minores occasiones: in senibus & mulieribus
ob maiores. Per materiæ quantitatem, nempe
aurea apparet ob multorum ciborum & medici-
narum acutarum oblationem: item ob sanguinis
ebullitionē ab ira, item ob intemperaturam quan-
dam calidam visceris, item ob affectum quandam
anni similem. Cōtrario modo dictū est, nempe
crocea apparet ob inœrorem, curam, vigilias, ob
Solis æstum, ob laborem & similia.

Ruffa,

*Flauæ bilis abundantiam, vel ipsius syn-
ceritatem.*

Ruffa & tenuis,

Morbum crudum.

Bilem & ruffam & pallidam & flauam nomi-
nant, nam bilis albior & turbulentior facta ruf-
fescit: si verò splendens sit & purior, flauescit. ergo
ruffus color ad album magis, flauus ad splendidū

magis vergit. Pallidus color ruffo albior, ynde Galenus in primo de iudicationibus: Quantò flauo ruffum est albius, tantò illo pallidum. hic accipimus pallidum croceum vt Ochra est. Morbum crudum, & maximè quatenus tenuis substantiæ.

Subrubens,

Sanguinis non exquisitè cocti abundantiam,

Bilis rubræ mixtionem.

Sanguinis non exquisitè cocti abundantiam. vbi enim sanguinis serum vnà cum vrina emittitur, videtur & colore subrubens. cùm igitur tum humidior tum serosior sit, coctione eget. Bilis rubræ mixtionem nouerunt qui subrubras videre & deiectiones & vrinas.

Rubens,

Bilis rubræ multitudinem,

Sanguinis saniem multam,

Sanguinis crudioris & serosioris abundantiam.

Crassa eadem & nihil

deponens,

Turbationem crudam multo præditã spiritu

ritu flatuoso.

*Crassa eadem, inde tenuis, ante
crisim & post crisim,*

Recidiuam.

*Rubens in ictero ita vt pannū
tingat,*

Salutem.

Rubens modicè,

Hydropem futurum.

Bilis rubræ multitudo maximè patet in iuuenibus. Sanguinis sanies multa etiam constat, nempe abundante sanguine si non flabelletur, sanies quædam generatur, qualis est vlgo illa quæ in corporibus humidioribus quotidie spectatur vbi putrescunt. sanies igitur illa cum vrinis expellitur. Sanguinis crudioris & serosioris abundantia in ardentibus reperitur febribus, vbi diuturnior est morbus, tempore indigens ad maturationem. vbi itaque amplior semicrudus sanguis per vrinam expellitur, rubram cum hanc efficere ratio conuincit. id patet in Hermocrate tertii epidemiorum. Turbationem crudam multo præditam spiritu flatuoso, vt in musto fieri solet. Hæ autem vrinæ conturbatæ & turbidæ dicuntur, quibus capitis dolores sunt adiuncti, spiritu

flatuoso cum calidioribus succis petente . eadem in Hermocrate visa est. Recidivam, hæc notissima est ex eodem Hermocrate. Salutem in his expectare oportet, nondum scilicet imbecillitato hepate hydropem futurum: nempe tunc cum modicè rubeant aut albæ sint, hoc accidit ex hepatis debilitate.

*Prærubens vel rubens
cruenta.*

*Renum debilitatem,
Sanguinis ex parte aliqua profluxum,
Renū laxitatem immodicam,
Sanguinis abundantiam.*

*Crassa eadem & multa,
Crisim & sanitatem.*

Renum debilitatem. id quod fit renibus perperam fungentibus suo munere, sicut fieri solet in doloribus nephriticis. Sanguinis ex parte aliqua profluxum, nempe venâ incisâ aliqua vel rupta circa urinæ vasa talis apparet, sed loci dolore & causâ antecedente dignoscitur. Renum laxitatem immodicam, cum scilicet vasa urinam colantia raritatem habuerint vel natura vel ob aliam causam, siquidem plerunque cum urina fecernitur sanguis. Sanguinis abundantiam, ut
videre

videre est in his continuis quas synochos vocat.

Crisim & sanitatem nonnunquam indicare constat in acutis febribus & complicatis, natura scilicet ad vrinas quod molestum erat mittente.

*Vrina vinea in sanis,
Sanguinis assationem.*

*In vehementibus febribus,
Sanguinis saniosi & putrescentis abundanti-
am,
Sanguinis in rubram bilem transforma-
tionem.*

Talis sanguinis assatio contingit sanis ob longas vias æstusq;, & ob labores: & maximè in his qui molli sunt corpore & faciliè patibili. tales etiam vrinas sepius vidimus in his qui liberaliter & assidue bibunt vina crassa. Reliqua duo nota sunt propter caloris vehementiam,

*Vrina passæa,
Bilei humoris adustionem.*

Nempe crocea bilis exassata, atque violacea effecta adeo ut fere accipiat imaginem humoris melancholici, talem efficit urinam.

*Vrina viridis bifariam,
Viridis nomine generis,*

Viridis

Viridis oleacea.

*Viridis ad nigredinē magis de-
clinans,*

*Bilis tum violaceæ tum ceruleæ multitu-
dinem,*

Frigiditatem.

Aeruginosa,

*Flauæ bilis adustionem, atque in viridem
conuersionem.*

*Si perseveret cum suis malis ac-
cidentibus,*

A siccitate conuulsionem.

Bilis tum violaceæ tum ceruleæ multitudinem, nempe talis viridis color bilis tum quantitatem tum qualitatem, tum in aliud genus conuersionem caliditatis excessu ostendit. Frigiditatem etiam, nempe cū niger color talis tum à frigiditate tum à vehemente caliditate fiat, viridisque sit ad nigrum via, ratio vincit frigiditatem à viridi significari colore. Adustionem flauæ bilis, atque in viridem conuersionem, ex æruginosa significari intelliget qui bilem flauam, si vehemēter aduratur, in nigram mutari. A siccitate conuulsionem, nempe si æruginosa bilis perseveret cū suis malis

malis accidentibus, quæ sunt sitis assidua, æstus, lingua adusta, hypochondria retracta, vomitus & similia: virtus imbecilla fuerit, non remittatur colores, sequi solet conuulsio à siccitate & æstu. id phreniticis fieri solet.

*Oleosa ad candidius victo palli-
do vergens,*

Humorum cruditatem.

*Vehementer pallida vt ad flauū
accedat,*

Biliosum calorem.

*Cum reliquis signis sa-
lubribus,*

Breui tempore salutem.

Cum malis,

Morbi longitudinem,

Mortem.

Sicut (inquit Galenus in commentario tertii vulgarium in primi ægri post tempestatem, enar ratione) oleum ipsum vnius neque coloris neque crassitie, nec item oleosa vrina semel est pallida sed plus minùs: periculūque his vrinis nō ob prauitatē subest, sed ob vim febris. hinc quidam, si reliqua consentiant salubria, breui liberā tur:

tur: alii morbum trahunt, alii moriuntur, ut patet de primo ægro tertii epidemiorum post tempestatem, qui sexto die oleosam habuit urinam, & ceterisimo vigesimo obiit.

*Oleosa omnis,
Pinguis colliquationem,
Caliditatem adulterinam, heceticam.*

Cum pinguedo (inquit Aëtius) paulatim lique scat, colliquatio principium habet, incrementum & vigorem. In principio urinæ aquosæne sint an oleaginæ, abigunt, & tales ab Actuario oleicolores vocantur: in augmento insignior olei mixtura apparet, & talis oleapparens dicitur ab eodem autore: in vigore verò urinæ totæ & colore & liquore oleosæ planè sunt.

*Oleosæ si tardè procedit & paulatim increseat,
Pinguitudinis vniuersi corporis colliquationem.*

*Si breui & conferetim,
Solorum renum.*

Nam si febris & calor ille adulterinus per totum corpus diffusus fuerit, paulatim excernitur, si calor plurimus circa renes fuerit, copiose & cumulatim fluit ex Aëtio. Discrimen igitur inde est, quod

quòd in priori totum corpus ardere sentitur: in posteriore soli renes.

*Oleosa post nigram,
Salutem.*

Nempe fit versio ad melius.

*Oleosa in valde acutis quarto
die apparens,*

Septimo moriturum hominem.

*Oleosæ siquid loturæ carnis si-
mile misceatur,*

Hydropem,

Phthisim,

Colicum dolorem malum.

Hæc ex Auicenna, si tamen quod primo loco dicitur verum sit, inquirent qui volēt. Quod de hydrope, phthisi & colico dolore malo dicitur probabile est, ubi febris vehementiam sequitur hepatis imbecillitas:

Veneta subtenuis,

Fusionem humoris melancholici.

Ad crassitudinem vergens,

Frigiditatem.

*Quæ à pravis coloribus ad peio-
res*

res trāsmutatur,
Mortificationem.

Vrina liuida præter dicta de ve-
neta.

Plagas quoque & verbera homini in-
cussa.

Fusionem humoris melancholici. nam sæpius contingit vt urinæ plus minúsue tingantur, & plerunque mediocrem duntaxat suscipiant tincturam. Frigiditatem, nempe frigiditas non minùs quàm immodica caliditas nigrificare humores solet. Mortificationem, maxime à frigiditate profectam. nam color niger proprius est mortuis corporibus: venetus verò & liuidus parum à nigro discedunt. Plagas quoque & verbera homini incussa, nempe liuida quæ ob plagas fit magnâ indicat sanguinis factam esse mortificationem: plagis scilicet mortificatibus cadauerantibusque. sanguis verò mortificatus subnigrescere consuevit: qui tandem à virtute excretrice per vasa urinaria pulsus, tales procreat urinas. Caue tamen ne aliquando fallat te mulier, vt me aliquando fefellit: quæ urinæ concussi & verberibus affecti hominis fel taurinum miscebat.

Vrina nigra omnis continuò &
crassa

crassa est, nunciatq;

Vehemens frigus,

Mortificationem extremam,

Exuberantem caliditatem,

Biliosum adustum humorem,

Nigri excretionem humoris, & salutem.

Vehemens frigus, præsertim si veneta & liuida præcesserint, frigiditatem significantes. quòd verò color is ad extremum peruenerit, ob id subiectum solet dissoluere, & ob id mortificationem extremam indicare. Exuberantem, & ob id biliosum adustum consequio humorem. tales siquidem in febribus quæ causi appellantur, & phrenitidibus incurrunt, quòd tum calidæ tum siccae affectiones eiusmodi existunt, vt constat ex prorrhethico. quòd si talis post flauam excernatur, constat à nimio calore torrefactam esse flauam bilem, similiter accidit, si præcesserit æruginea. Nigri excretionem humoris, & salutem. tales siquidem sæpissimè excernuntur in quartanarum declinatione et melancholicis deliriis quando soluuntur: tales itidem lienosis plurimè excernuntur, & plerunque si pharmacum purgatiuum congruens datum sit.

De iudiciis ex vrinarum odore.

Vri-

*Vrina odore carens,
Temperaturam frigidam,
Cruditatem exuberantem.*

*Et in acutis plerunque morbis,
Naturæ mortificationem.*

In sanis maximè id apparere solet, quòd urinae odore careant, cum scilicet frigida fuerint temperatura aut superfluum cruditatè habuerint: quod si contingat in morbis acutis, Naturæ mortificationem, cum scilicet urina maleolens fuerit, deinde subito talis discesserit maleolentia sine mali remissione.

*Odor dulcis,
Sanguinis non putrefacti dominium.*

*Graueolens in sanis,
Futuram febrim ex putredine,
Potum medicamentum.*

*In morbis cum pravis substantia
& contentis,
Corporis habitudinem mortificatam.*

*Si cum bonis,
Scabiem vel vlcus in urinae instrumentis,
& praesertim si pus fuerit.*

*Si acris odor fuerit,
Frigidorum humorum putrefactionem,
Caloris naturalis mortem.*

Sanguinis non putrefacti dominium, nempe sanguis suapte natura calidus & humidus & dulcis existit. Futuram febrim ex putredine, nempe maleolentia omnis putredinis est nota. Potū medicamentum, nempe vt terebinthina pota urinam reddit violarum odoris, ita cardui radix pota crassam facit urinam & maleolentem, vt refert Aëtius in octauo. Corporis habitudinem mortificatam, victus siquidem calor nativus victore externo. Scabiem vel vlcus aut quamvis aliam plagam, id quod vnà ostendūt causæ antecedentes & dolor topicus. Frigidorum humorum putrefactionem, quod frigidi humores si putrescant, in acorem transeant. id ostendit pituita, ostendit & melancholia.

De iudiciis ex modo meiendi.

Difficilis,

Acrimoniam vrinae,

Vesicae exulcerationem & aliquando debilitatem,

Pblegmionen,

D

Calcu-

Calculus.

*Renibus aut hepate adfectis,
Abscessus ruptionem,
Vesicæ intemperiem, vel convulsionem.*

In febris,

Totius nervosæ partis adfectum.

Acrimoniam urinae stranguriæ causam esse constat Galeno in secundam tempestatem primi epidemiorum, quod scilicet vesica vellicaretur & assidua excretionem acris humoris sollicitaretur.

Vesicæ exulcerationem, nempe hanc consequitur urinae emittendæ difficultas ex Aëtio & aliis: & aliquando debilitatem, vesica scilicet urinae copiam exprimere nequeute. Phlegmonem, nam qui ita afficiuntur, urinam eiicere non possunt viis ob inflammationem compressis. Calculum, eo scilicet meatus obturante. Abscessus ruptionem, nempe cum abscessus rumpitur, & pus per vesicam excernitur, assiduam irritationem & mictionem propter acredinem suam inducit.

Vesicæ intemperiem, nempe vel à frigida vel calida vesicæ propria lēditur actio: convulsio præterea mictūdi difficultatem adferre solet. Totius partis nervosæ adfectum, id in febrium malignarum principio accidere solet ut vesica affligatur, & paulatim cum dolore urinam emittat, quod illi

acci-

accidit affectus participatione: nam vesica neruosa est.

*Meiendi modus inuoluntarius,
Vesicam exolutam,
Musculi vesicæ collum claudentis paraly-
sim vel exolutionem.*

Vesicam exolutam, cum scilicet virtus conten-
trix oblæsa fuerit. Musculi vesicæ collum clau-
dentis exolutionem, cum scilicet nerui qui ex
spinali medulla ad muscolum illum deferuntur,
læsi fuerint.

*Mictio cum dolore,
Inflammationem,
Abscessum,
Vlcerationem,
Inæqualem intemperiem,
Spiritus flatuosum.*

Hæc notiora quàm explicari debeant.

*De iudiciis ex vrinarum
contentis.*

*Contenta trifariam diuisa. Quæ in fun-
dum matulæ descendunt, hypostases di-
cuntur, id est subiecta: Quæ ad medium*

Dij con-

concefferunt enæoremata, id est sublationes vel sublimia vel suspensa: Quæ verò ad superficiem peruenerunt, nubes vel nebulae, habētes in vri. is proportionem quā habent in aëre nubes. neque hic vllum latere oportet enæoremata etiam nubes ali quando ab Hippocrate dici. Sunt autem contenta superfluitates quædam tertiæ concoctionis.

Vrina contentis priuata,

Dolores ingentes,

Immensa exercitia,

Longas vigilias,

Materiæ defectum,

Inflammationē calidam in principalibus membris,

Incoctionem extremam,

Oppilationem,

Ventris euacuationem insignem,

Multam materiæ corruptionem,

Mēbri alicuius imbecillitatem ingeniā.

Dolo

Dolores ingentes, vel quod superflua à doloribus trahantur, vel quod virtutem prosternant dolores, quo fit vt non munus suum coquendi expleat: sunt etenim contenta tertiæ coctionis superflua vt dictum. idem efficiunt vigiliæ longæ. Immensa exercitia nam quæ per vrinas excernerentur, exercitatione per sudores eliciuntur & euaporationes. Materiæ defectum, nam vbi egestas sit, nihil superflui excerni potest. Inflammatio item calida in membro aliquo principali, ob multam caliditatem superfluitates attrahit cucurbitulæ modo. Incoctionem extremam, propter quam absque contentis producantur vrinæ: si enim talia non spectentur, iam defecit concoctio. Oppilationem, crassioribus scilicet humoribus in via hærentibus. Ventris euacuationem insignem, humoribus superfluis aliò migratibus, ad ventrem scilicet. fit quoq; id ob imbecillitatē, quæ ex euacuatione virtuti accidit concoctrici. Multam materiæ corruptionem, à qua nihil commodi natura in alimentum suinere possit. Membri cuius imbecillitatem, ob quam ad ipsum omne inutile expellitur: nempe grauatum non solum non repellit quod influxit, verum quoque & suscipit quod influit.

In sanis,

Cruditates,

D iij

Oppi-

Oppilationes.

Et si protraxerint,

Futuram ægritudinem.

Horum rationes in promptu sunt, & maxime huius quod tertio dictum est loco, nempe diuturnis cruditatibus & oppilationib⁹ vix resistere homo sanus potest.

In acutorum principiis augmentisq;
Virtutis debilitatem,

In mediocrium,
Minorem debilitatem.

Cum concausis,
Abscessum futurum.

Virtutis debilitatem, quæ ad tantam imbecillitatem peruenit, ut ob vehementiam causarum affligentium, necessariarum actionum oblita sit.

Minorem debilitatem, quod natura minus afflicta sedatiore existente febre. Abscessum futurum, superfluis ad locum abscessus transmigrantibus.

Côcatise sunt quas adiutrices dicunt, ut in longis morbis hyberna æris caliditas, iniudicabilis conditio, motus ægritudinis erraticus, atque ægri virtus mediocriter debilis.

Tenuissima & vehementer alba,
Vasorum

Vasorum oppilationem insignem,
Indecentem frigiditatem & cruditatem,
Spicea & subspicea,
Minorem oppilationem, quanquam nō mi-
norem cruditatem.

Aurea & crocea,
Oppilationem minorem sed cruditatem.
Rubea vinea passæa,
Putredinem in venis,
Cruditatem,
Longas vigilias.

Quoniam genus omne prædictarum vrinarū
hypostasi scilicet priuatarum non vno tingatur
colore, cum alia vehementer, alia mediocriter al-
ba sit, alia spicea & alia aurea, & ita de aliis: vna-
quæque rei alicuius signum existit, vt iam antedi-
ctum est, atq; hinc causæ etiam manifestæ.

Hypostasis dignoscitur,
Quantitate,
Substantia,
Colore,
Leuitate,

Aequabilitate.

*Hypostasis optima & naturalis,
Mediocri substantia & quantitate,
Alba,
Lævis,
Aequalis,
Diu perdurans, & in morbis per totum
morbi tempus.*

Læuem dicit continuam & non dispersam: Aequalem verò, id est, singulis suis partibus sibi similem. In morbis per totum tempus dicitur, nam sæpius cōtingit hodie vt quis inculpate mingat, cras verò vel sequente nocte culpate: deinde tertia die manè inculpate; vesperi autem culpate. sed vrinę huiusmodi venas nōnihil coctum, aliud incoctum continere indicant.

*Pauca,
Inediam,
Exercitationes,
Oppilationes,
Coctionis tarditatem.*

Inediam, nempe si decens nutritio defecerit, deficient & superflua. Exercitationes, nempe per eas attenuantur superfluitates, & per occul-

tas vaporationes discedunt, & ita pauca redduntur contenta. Oppilationes, nempe sola tenuia transeunt, & crassa adhærent. Coctionis tarditas pauca reddit contenta ex causa manifestiore.

Multa,

Nutrimētum multum,

Coctricis virtutis robur.

Nempe si alimenta abundauerint, valeatq; coctrix facultas, multa coquentur, multaque erunt superflua.

Tenuis,

Caloris natīi in tertia concoctione debilitatem.

Crudorum humorum tenuationem roborata genuina caliditate.

Caloris debilitatem, ob frigiditatem, ita ut contenta ad mediocritatem peruenire non possint.

Crudorum humorum tenuationem, cum scilicet attenuauerit dissipaueritq; omnem crassitudinem materiae quæ in venis erat ob humorum cruditatem. id autem cognosces: nam si modicè matulam vacuaueris, ipsa contenta citò eleuantur, atque lætitas dissimilis redditur: non facile autem eleuantur quæ ex caloris debilitate fiunt.

Crassa,

Crudo-

*Crudorum humorum in venis manentiũ
amputationem,*

Sequestrationem iudiciariam.

Duo hæc sæpius in vrinis visuntur, sed de his distinctè pronuntiandum. Primum enim apparere solet in principio & augmento febris, & sæpius liquore vrinæ improbi coloris existente. id quod & artifices ipsos fallit, existimantes hypostasin bonam esse quod alba sit: sed talis hypostasis inæqualis est & non læuis: item viscea est, & mucosa est. Secundum frequentius fit post statum & vigorem, neque eiusmodi hypostasis cum improbi coloris liquore.

Vehementer alba,

Pus, aut crudi humoris ramenta continet.

Hæc item distinguenda, nempe pus maleolet & glutinosum est: crudus humor propriè dictus puri colore & crassitie tantum similis, sed nõ maleolet neque est viscosus: neque tamen talis crudus humor subsidet tātũ in vrinis eorũ qui ex crudorũ multitudine febriunt: verum quoque & sanorum, qui laboribus sese dedentes cibos duros & ægrè coctiles ingerunt. differtq; is humor ab humore pituitoso, q̃ pituitosus crudus & frigidus existit, nõ tamẽ crassus. hæc Gale, in 1, alimētorũ,

Subsp̃i

Subspicea & spicea,
Bilem mediocrem in tertia coctione, aut
ciborum biliosorum inculcationem.

Bilea,
Bilem rubram.

Subrubra & rubra,
Cruditatem ob rubrae bilis excessum,
Sanguinis non exquisitè confecti abun-
dantiam.

Cruenta, id est veluti cruore suffusa,
Sanguinem inelaboratum ob multitudi-
nem vel virtutis debilitatem.

Omnia hæc ex prædictis fatis constant,

Veneta liuida & nigra,
Vitalis virtutis remissionem & mortifi-
cationem,
Sanguinem mortificatum,
Influxum nigri humoris.

Rationes quoque horum iam in coloribus vri-
narum sunt explicatae,

Orobea, id est orobo similis,
Magnâ in hepate ipso factâ inflāmatio-
nem

*nem, vt in Nicoftrati vxore in epidemio-
rum quarto.*

*Corporis totius liquefactionem,
Renum folorum.*

Absumpto adipe caro liquefcit, atque hinc tales
apparent fubfidentiae. At fi in febribus appareat,
affectum denotat vniuerfi corporis: Si non adfit
febris, renum duntaxat. Prætereà fi vrina cruda
fuerit, totius corporis eft viciũ: fi cocta, renum
eft ægritudo.

*Furfurea, id eft furfuri tritici be-
ne moliti fimilis,*

*Febrem in profundis vasis flammeam &
colliquantem,*

Veficæ adfectum.

Absumptis adipe & maiore carnis parte ita vt
iam profunditatem carnis obfideat flammea ca-
lidity, fiũt furfureæ fubfidentie anguftiores qui-
dem lamineis fed craffiores. id quod & in veficæ
accidit morbis: fed corporis vitium cum febre &
vrinæ cruditate eft: veficæ vitium fine febre & cū
vrinarum concoctione. Aëtius in quinto.

*Laminea feu foliata alius, id eft,
laminis feu folijs fimilis,*

Febrem

*Febrem in partibus solidioribus infixam,
Vesicæ adfectum,*

Vbi solidæ partes adfectæ fuerint, & primum quidem superficiariæ, fiunt in vrinis lamineæ. Id quod etiam vesica contingit adfecta. sed si febris fuerit, & vrinæ cruditas fuerit, & vrinarum cruditas, vitium est corporis totius: sunt enim laminæ huiusmodi, si Galeno credimus, superficiales partes vasorū resolutorū & quæ cōtabuerūt. si vero febris non fuerit, & vrinæ coctio fuerit, & dolor, vitium est vesicæ.

Pultacea seu farina hordei crassiori similis, quæ Græcè crimnodes, id est, quæ crimna, hoc est, gradiusculas effracti hordei in polentis rectas partes ob inexquisitam in mola domituram representat.

*Sanguinis crassi torrefactionem,
Vehementē partiū solidarū colliquationē.*

Si candida fuerit, solidæ partes colliquantur: si rubra, sanguis affatur autore Aëtio.

*Conualituris febrientibus,
Longam ægritudinem.*

Non

Non conualituris,

Citam mortem.

Primum constat ex tertio tertii epidemiorum e-
gro. Secundum ex primo primi epidemiorum
Sileno.

Pinguis & adiposa,

Pinguedinis & carnis liquefactionem.

Si multa & separata seu inæqualis, renum ipso-
rum vitium ostendit: si minor & minus separata
disperſaꝫ, locorum remotiorum. hæc Auicenna.

Sanioſa,

Instrumentorum meiendi vlcus.

Muccoſa,

*Crassum humorem in corpore multũ, aut
ex instrumentis vrinæ egredientem,*

Crisin ischiadis, aut dolorum iuncturarũ,

Temperaturam frigidam.

Fermenti infusi frustu-

lis similis,

Stomachi debilitatem & mesarei,

Lactis vsum & casei.

De sanioſa satis ex antediſtis conſtat. Mucco-
ſa notiffima euadit. ex his qui calculo veſicæ la-
borant,

borāt, aut obnoxii sunt. Quòd crisin ischiados indicet, id cōstat, si alleuetur postea eger. De tēperatura frigida iam dictum est. Stomachi postea dixit debilitatem & mesarei significari ab ea quæ est similis frustulis fermenti infusi: non enim notabile ventris vitium emendat hepar.

Arenosa,

Lapidem in renibus vel vesica.

Cineritia,

Phlegma adustum,

Pus propter longā moram mutatum.

Sanguinea,

Hepatis debilitatem,

Vulnus in vrinae canalibus.

Primum ita distingue, si rubra in renibus est: si alba in vesica. Tertium item distingue, si vehemēter mixta sit, vitium est hepatis: sin minus, in vrinae canalibus.

Quæ de hypostasi dicta sunt, eadem de enæoremate & nubibus sunt intelligēda: nisi quòd in biliosis morbis nulla habetur hypostasis vel prorsus minima, quibus satis est, si enæorema vel nebulam habuerint. In hoc etiam distant, quòd hypostasis

postasis si bona sit, primum obtineat bonitatis locum: enæorema secundum: & nebula tertium. Et si mala sit hypostasis, primum habet locum maliciæ: enæorema secundum: & nebula tertium. Præterea enæoremata materiam tetigisse hypochondria, viscera & pectus arguunt: nubes vero adfectum in capite esse.

Iudicium ex vrinæ circulo vel corona quæ per vrinæ ambitum circūcurrit.

Corona nulla fit,

Si humores pari virtute fuerint.

Alba corona in vrinis aureis & rubris, vineis & aliis,

Naturam cœpisse humoribus dominari.

In viridi & passea si deterior,
Humorum dominium.

Spumea,

Sensuum internorum perturbationem,

Visceos humores,

Flatum in ventriculis cerebri,

Sæpius

Sæpius coronæ colores apparent ab vrinarum colore declinantes, aliquando cum illis conuenientes. si declinent ad bonos, vrinæ coloribus malis existētibus, bonum indicant: si verò deteriores sint quā vrinæ colores, mali sunt existimandi. Si ergo boni, natura cœpit humoribus dominari: Si mali, humores victores sunt. De spumea in significatione ex bullis videbimus.

Iudicia ex his quæ in superficie vrinæ innatant, & primùm de bullis his quæ post quietam & prorsus refrigeratā manent vrinam, quæ signa sunt spiritus adulterini.

Bullæ albæ vel albis similes coronæ ambitum occupantes,

Paruum aut nullum capitis dolorem,

Cum vrina tenui & contentis non prorsus concoctis,

Caloris naturalis imbecillitatem.

Cum crassa,

Spiritum vrinæ familiarem.

*Cum vrina tenui & hypostasi priuata,
Renum oppilationem.*

Bullæ solam coronam integra serie occupâtes, & vrinæ cõcolores, Maiorem capitis affectionem, & dolorẽ non mediocrem.

Et quò intensius aureo colore, cò, Maiores dolores.

Versus mediã superficiẽ cõcedẽtes, Remissionem doloris, Fluxum ad pulmones in sanis & ægris.

Maiores & absq; ordine per matulam diuisæ, Dolores qui præcesserunt diminui.

In sanis, Spiritus frigidos.

Bullæ in vrinæ superficie palantes, Multam naturæ debilitatem.

Bullæ si cum febre apparuerint, & præcesserint, Dolores capitis non modicos.

Cum vrina tenui, Deteriores,

Cum

*Cum crassa,
Modestiores.*

*Bullæ in febribus nō pridem visæ,
Naturam concoctioni indulgere.*

*Bullæ densiores in vrinis,
Seminis fluxum,
Renum & vesicæ angustiam,
Frigidam renum ægritudinem.*

*Bullæ cum corporibus capillorum
modo crassis,
Renum colliquamenta.*

Cū in tribus concoctionibus spiritus flatuosus gigni contingat, eorumq; non semper eadem sit tum quantitas tum qualitas, (nanq; alii multi alii pauci, alii crassiores alii tenuiores, alii calidi alii frigidi) sanè vt de nebulis & enæoremate diximus, quòd scilicet partes corporis respondentes adfectas ostendant: ita & cū bullæ adusque vrinæ superficiem concesserint, spiritus in corpore ascēdisse vsq; ad caput demonstrabunt: et quò maiores bullæ, eò spiritus materialis minùs, & cōsumptibilior: quò minores & dēsiore, eò spiritus materialior neq; facilè consumptibilis, quoniam à materia crassiore & glutinosiore fiat. Sunt itaq;

bullæ signa spiritus flatuosi adulterini, quæ & colore & locis quos occupant distinguuntur. De albis autem bullis quid significant satis constat ex dictis. Quæ integra serie occupant coronam, & urinæ sunt coloris, à fortis sunt causa, & eò deteriores quò color urinæ deterior: nam si sparsim in corona essent, debiliorem indicarent dolorem. Quæ versus superficiem mediam concedunt, remissionem doloris ostendunt, materia iam euaporata quæ dolorem faciebat, aut iam ad pulmones defluxa. talis defluxio potest fieri & in sanis ipsis. Si maiores & absq; ordine per matulam diuidantur, dolores qui præcesserunt dissolui arguunt, quòd maiores sint, crassiore scilicet & glutinosiore materia iam in aliam quæ absumptibilior sit transmutata, nempe concocta & obediens reddita. Et (vt summatim dicam) bullæ quòd minores & densiores atq; circa solam circùcurrerint coronam, eò plures, potèntiores & crassiores demonstrant spiritus: quòd verò contrariæ magis, eò spirituum imbecillitas & disperditio promptius indicatur. Quæ præterea ex bullis dolorem capitis ostendunt, quædam totam coronam occupant, & totius capitis dolorem indicant: aliæ dimidiam coronam, & medietatis capitis dolorem arguunt: & reliquæ ex proportionem. Multam naturæ debilitatem à palantibus bullis significari ait, & maximè quidē, quòd plures fuerint oppilationes, & crudorum copia humorum. Si bullæ

cum

cū febribus appareant, certissimę sūt ex prędictis notę: Si nō pridē visę, q̃ natura cōcoctioni indulgeat est manifestū: hīc sępenuerō satis esse possunt vt appareant signū bonū cōcoctionis. Seminis fluxū pręterea à dēfioribus bullis idicari ait motione circa vasa seminaria facta, & flatu ad vrinās missō. id quod quotidie adnotamus in eo morbo quo magna hominum pars qui publicē indulgent veneri fatigatur. morbum hunc vocāt vrinę ardorem, qui verē est profluuiū feminis. Renū item & vesicę angustiam, motione scilicet ob locorum angustiam facta, & hinc generato flatu. Quod & frigida renū ægritudo indicetur docuit nos Hipp. 7. partic. aphor. 34. aphor. Renū colliquamenta, vel (vt alii dicūt) seminis segmēta.

*Iudicium super externis quibusdam
quę innatant in humore vrinę.*

*Pigritudo veluti Aranea supra hærēs,
Corporis totius vel solorum renū colli-
quationem,*

Puncta velut olei iniecta,

Idem.

*Si parūper appareāt & se resoluerūt,
Nihil difficilis indicāt.*

Si perseuerauerint,

Colliquationis principium.

Hæc notiora sunt quàm vt explicari debeant.

Veluti capilli,

Ciborum crassorum vsum,

Renum vehementem caliditatem.

Ciborum crassorũ vsum vt orobi & casei, id habetur 4. particula, Apho. 76.

Veluti caruncula,

Renum vlcerationem.

Id eodem in loco habetur.

Frustulũ albũ punici grano simile,

Renum liquefactionem.

Hoc Auicenna.

Arenæ nõ residẽtes et ad ruborẽ decli-

Hepatis adustionem. *ues,*

Non solũ id accidit vt non resideant, imò & matularũ parietibus tenaciter hẽrẽat: quasi diceret vrinas ipsas manifestò í lapides cõcrescere.

Squamula,

Vesicæ exulcerationem & erosionem.

Hippocrates quarta particula Aphorismorum aphorismo octogesimo primo.

Furfurea,

Vesicæ scabiẽm, *Vel venarum, vel*

Vri-

Vrinalium meatuum.

Hæc ita distingue, si tenuis fuerit vrina, venarū scabies indicatur, quarum tunica patitur ob febrē ardentem: si non tenuis, prima tunica vesicæ patitur. Id etiam accidit cū sanguis ob ardores cōbu ritur. Gal. 4. particula Apho. Aphorismo 77.

Pus,

Renum vel vesicæ vlcerationem,

*Thrōbi sanguinis vel grumi cum
vrinæ stillicidio,*

Laborem circa vesicam.

Hæc quoq; ex prædictis nota:

Substantiæ inæquales,

Fortem corporis perturbationem.

Superante enim natura omnia æqualiter vnita sunt: pugnāte verò cū noxiis causis, quæ obediūt & cōcoquūtur aliā habent formā: quæ verò renitūtur aliam. Galen. 7. particula Apho. Apho. 33.

Vrina fermentata,

*Crudorū humorum perturbationem &
agitationē.*

Cū in terrā acetū acre effusum fuerit, p̄tinus intumescēs sursū, quasdā terræ partes sursū tollit, fitq; cōpositū quoddā ex terrestri substantia & aceti humiditate, & ex facto vaporoso spiritu. Simile

con-

cōtingit cū atra bilis in terram effusa fuerit: nēpe & in vtroq; spirituosa quædā motio euidēter fieri videtur ei similis quę in feruēte musto apparet, simile quoq; & in panib⁹ quotidie fieri videtur, cū remixta aque tritici farina mixto illo & fermento, mediocriter macerari permiserint, fermentatio fieri videtur fusa simul & intumescēte quę fermentatur substantia. Vrinę similiter quę fermentatur: vt prorsus notabilē crassitiē habeant opus: deīde & in ea leuē quandā efferuescētiā: q̄q; pars spirituoſa motionē naſta, tumorē habeat maiorem quā cū excerneretur. Hęc Gale. in 2. prorrhethici.

Vrinę suppressio,

Vesicę imbecillitatē,

Inflātionē,

Tumorem,

Obstructionem,

Aegrū vesicę sensū.

Vesicę imbecillitatē, vesica ea quę cōtinētur exprimere nō potēte. Inflātionē & tumorē, meatu angustiore reddito. Obstructionē, ob sāguinis thrōbū vel crassū humorē, vel lapidē vel pus q̄ ab hepate vel renibus aut aliquo alio inferiore mēbro excernitur. Vrinę suppressio ī fanis accidit, aut ob negociorū importunitatē, aut in cōcionibus, aut foro iudiciario, aut in sōnis si diutiū cōtinuerint mictionē: nēpe vesicę vis obuoluens ex immodica repletionē vel tensione afficitur.